



UNIVERSITÄTS-
BIBLIOTHEK
PADERBORN

Universitätsbibliothek Paderborn

Pro Calendario Gregoriano Dispvtatio Apologetica

**Busaeus, Johannes
Roest, Petrus**

Mogvntiæ, Anno 1585

IIII. Probatio Tvbina.

urn:nbn:de:hbz:466:1-43749

*libertatem vocati estis fratres (statim sic astrinxit, tamen ne libertatem
in occasionem detis carnis, sed per charitatem seruite iniucem, omnis enim
lex in uno sermone impletur, Et D. Petrus horretur Christianos ut
omni creaturae subiecti sint, ne libertate ad tegendam malitiam
abuti videantur. Quasi liberi, inquit, et non quasi velamen habentes
malitiae libertatem, sed sicut servi Dei.*

L X X I I. In hunc sane legum numerum libertatem Christianam quasi fratre retinentium, ne in licentiam transeat carnalem, leges Ecclesiasticæ quoque referenda sunt. Sicut enim politicæ vel Cæsareis edictis coercetur libertas carnis, ne le in immunditiam, adulteria, rixas, homicidia, effundat, sic Ecclesiasticæ vel Pontificijs decretis eadem libertas carnis cohibetur, ne in sectas, veneficia, hæreses, schismata proruat. Hæc enim vitia omnia in eodem capite inter manifesta opera vel fructus carnis numerantur, cum libertate Christiana pugnantes.

L X X I I I. Itaq; ex eiusdem Apostoli, diuinarumq; scripturarum doctrina intelligi debet, libertatis Christianæ beneficio à triplici duntaxat seruitute nos esse vindicatos. Primo à seruitute longe turpissima & durissima, peccati mortis & æternæ damnationis, de qua in ep. ad Romanos sic scripsit. *Liberati autem à peccato, servi facti estis iustitiae. Cum enim servi essetis peccati, libere fuisti iustitia. Et rursus, Lex enim spiritus vita in Christo Iesu, liberavit me à lege peccati et mortis.* Secundo à seruitute omnium legum diuinarum & humanarum, quatenus cogunt & imperant, quia lex spiritus, hoc est, gratia Euangelica effecit in nobis, ut non timore poenarum, sed spiritu à moris; non coacti, sed libentes, atq; filii & cum imperio non essent, eas perficeremus. Quo respexit hic Paulus, cum dixit. *Quod si spiritu ducimini, non estis sub lege,* Et alibi *Lex iusti non est posita, sed iniustis et non subditis.* Postremo à seruitute circumcisionis aliarumq; legum Iudaicarum intolerabilium, de quibus in primis Apostolo cum Galatis earum legum necessitatem urgentibus disputationem fuisse, ex scopo totius epistolæ Patrumq; veterum commentarijs manifestum est.

III. PROBATIO TUBING.

L X X I I I I. Veniamus ad quartam probationem, natura & definitio

definitione adiaphorum nixam, à qua Disputator theses suas de the. 37. 54. 55.
adiaphoris inscriptas est infeliciter auspicatus. Adiaphora, in- 56. 60. 62. 149
quit, ea dicuntur quæ neq; verbo neq; mandato Dei speciali prohibita sunt, 150.
vel mandata, ac proinde liberæ habent sine opinione, necessitatis obserua-
tionem. Cum igitur Calendarium correllum, nostra confessione inter res natu-
ra adiaphoras nullalege diuina imperatas reponatur, libera relinquere debuit,
non autem lege Pontificia mandari eius obseruatio.

LXXV. Hanc rationem levissimam, ut vendibiliorem face-
ret imperitis, conatus est homo miserijs stabilire rituū adiapho-
rum exemplis, quibus solidissime euertitur; maximè tribus.
Primum Paschatis, quia eius festi certa dies neq; a Christo, neque ab Apo-
stolis instituta fuit aut mandata. Per se enim liberum hoc est, inquit, et thes. 30. 179.
fuit, siue eadem die, qua Christus cum suis discipulis Mosaicum celebrauit
Pascha, nouumq; instituit testamentum, siue mox sequenti aliquo die, Pa- thes. 25. 26.
schatis festum celebrare. Deinde exemplo iuniorum, quorum liberam fu- thes. 36.
isse disciplinam in Ecclesia conatur probare, ex B. Augustino. Postremo ex-
emplo ritus celebrandi Cœnam dominicam in azymo pane vel fermentato,
quem ritum & fuisse & nunc esse adiaphorum atque liberum affirmat.

R E S P O N S I O.

Calendarij obseruationem non esse liberam.

LXXVI. Quam vero male materiatum sit vniuersæ huius ra-
tiocinationis ædificium, post paulo consecutara ruina ostenderet.
Definitionem illam adiaphorum mutilam esse & mancam,
perspicuum est. Multa enim sunt quæ verbo vel mandato Dei
speciali verita aut præcepta non sunt, & tamen adiaphora non
sunt, nec liberam habent obseruationem; vt sunt omnia, qui-
bus traditio apostolica, vniuersalis Ecclesiæ consuetudo, leges
politice & Ecclesiastice necessariam fecerunt obseruationem.
Quibus legibus verbo & mandato Dei generali obtemperare
tenemur. Si quis, inquit Deus in Deuteronomio, superbierit no- Deut. 17.
lens obedire sacerdotis imperio, qui eo tempore ministrat Domino Deo Rom. 13.
suo, ex decreto iudicis morietur homo ille. Et B. Paulus, Omnis ani- Heb. 13.
ma potestatis sublimioribus subditafit. Qui resistit potestati, Dei ordi-
nationi resistit. Et alibi, obedite præpositis vestris, & subiacete eis.

Adiapho-